



Cymorth Busnes Gofal Plant
Canllaw ar gyfer Ceisiadau Grant
2021/22



Mae'r **Grant Gofal Plant a Chwarae** (Grant Gofal Plant y Tu Allan i Oriau Ysgol gynt) yn rhaglen gan **Lywodraeth Cymru** a ddarperir yng Nghaerdydd trwy'r **Gwasanaeth Cymorth Busnes Gofal Plant**. Mae'n cyfrannu at ddarparu ystod o flaenoriaethau Llywodraeth Cymru ac mae'n allweddol wrth gefnogi darpariaeth gofal plant fforddiadwy a hygyrch o ansawdd da i fodloni anghenion teuluoedd yng Nghaerdydd.

Pwy all wneud cais?

Unrhyw sefydliad gofal plant newydd neu bresennol , boed hynny'n sefydliadau corfforedig, o'r sector cyhoeddus neu breifat sy'n cynnig a chynorthwyo datblygu gofal plant cofrestredig cynaliadwy ac o safon.

Er mwyn cydymffurfio â meini prawf y grant, mae'n rhaid i'r sefydliad:

- **Weithredu yn unol â'i ddogfen lywodraethu gyfreithiol;**
- **Gallu dangos ei angen am gymorth ariannol;**
- **Bod wedi gosod strategaeth ar gyfer cynaliadwyedd parhaus;**
- **Rhoi tystiolaeth ysgrifenedig o'r galw am y gwasanaeth sydd angen cyllid, ar ffurf Arolygon a Holiaduron Rhieni/Gofalwyr.**

Asesir ceisiadau ar sail unigol, gan ystyried cydymffurfiaeth gyfreithiol, sefyllfa ariannol bresennol a rhagfynegiannol y sefydliad sy'n ymgeisio a thystiolaeth bod digon o alw am y gwasanaeth sy'n gofyn am arian.

Dim ond pan fydd y lleoliad yn gwbl weithredol y bydd cyllid grant ar gyfer pob cais llwyddiannus yn cael ei ryddhau.

Rhaid i holl gofnodion AGC a Dewis fod yn gyfredol ar adeg y cais.

Beth y gellir ei ariannu?

Gwahoddir ceisiadau am gyllid dan y pedwar categori canlynol:

Bydd cyllid newydd neu estynedig ar gyfer Lleoedd Gofal Plant y Tu Allan i Oriau Ysgol (3 oed a hŷn) ar gael o Chwarter 3, Medi 2021.

Gall ceisiadau am gyllid gynnwys costau sefydlu (ac eithrio staffio, ond yn cynnwys taliadau **untro** a wneir o flaen llawn **am gostau rhent neu yswiriant**), **ac mae'n rhaid i leoliadau allu dangos bod galw am leoedd gofal plant ychwanegol yn eu hardal, ac na fydd y gwasanaeth newydd yn disodli nac yn lleihau darpariaeth gofal plant bresennol.** Mae cymorth ar gael i gynnal arolygon rhieni. Yn y deuddeng mis yn dilyn derbyn y Grant Gofal Plant a Chwarae, byddwn yn dychwelyd i'r lleoliad/darpariaeth i ofyn am fanylion fel a ganlyn:

- Sawl lle a lenwyd yn dilyn derbyn y grant?
- Sawl rhiant a gynorthwyd gan y grant?
- O'r rhai a gynorthwyd, faint oedd yn gweithio 16 awr neu ragor yr wythnos?

Gwella Gwasanaeth

Gellir rhoi cymorth ar gyfer costau sy'n gysylltiedig â gwella safon y ddarpariaeth, yn benodol pan fo'n **berthnasol i ofynion Arolygiaeth Gofal Cymru (AGC)** neu faterion a godir yn yr **Adroddiadau Archwiliad (cyflwynwch ddyddiad eich Adroddiad AGC diweddaraf ynghyd â'ch cais)** i'w gwneud yn addas ar gyfer gofal plant yn barhaus. Mewn amgylchiadau eithriadol *gallai* cyllid Gwella Darpariaeth fod ar gael i fynd i'r afael â materion a nodir drwy ffynonellau ar wahân i AGC, fesul achos.

Hyfforddi'r Gweithlu

Rydym yn annog Datblygiad Proffesiynol Parhaus a gellir rhoi arian i sefydliadau y mae eu staff am ddechrau hyfforddiant penodol (yn cynnwys cymwysterau Gofal Plant a Gwaith Chwarae) o ganlyniad i ofynion AGC neu er mwyn gwella a datblygu gwasanaethau'r ddarpariaeth. Byddem yn disgwyl i hyn fod ar sail tystiolaeth o Ddadansoddiad Anghenion Hyfforddiant eich lleoliad. Nid oes arian grant ar gyfer hyfforddiant Cyfreithiol a Rheoliadol sydd ar gael trwy **Ddatblygu'r Gweithlu** gan fod y rheiny eisoes yn destun cymhorthdal sylweddol.

Cymorth Cynaliadwyedd

Gall darparwyr gofal plant sefydledig sy'n wynebu trafferthion wrth gynnal eu dichonoldeb wneud cais am gyllid **Untro** i gynnal darpariaeth gofal plant presennol o ansawdd da, i'w roi tuag at farchnata, hysbysebu a hyrwyddo. Mae'n rhaid i ddarparwyr ddangos sut maent yn gweithio'n raddol tuag at ddichonoldeb yn yr hirdymor. Byddwn yn gofyn am ffigurau Cyllideb Weithredol/Llif arian parod gwirioneddol ar gyfer y cyfnod.

Er na fydd derbyn Cwtch, Grant Cymorth Darparwyr Gofal Plant D 2020-21 yn atal lleoliadau rhag gwneud cais am Grant Cynaliadwyedd ar gyfer 2021-22, bydd angen Cynllun Busnes cadarn arnom i gael y wybodaeth ategol ar gyfer dichonoldeb parhaus y ddarpariaeth. Efallai y bydd angen i'r Tîm Cymorth Busnes Gofal Plant gysylltu â chi hefyd i drafod Cynllun Gweithredu, y bydd angen iddo ddangos tystiolaeth gadarn a chllir o sut bydd y lleoliad yn dod yn gynaliadwy/hyfyw. Rhaid i'r holl

wybodaeth ariannol a ddarperir fod yn berthnasol i'r Flwyddyn Ariannol rhwng mis Ebrill 2021 a mis Mawrth 2022.

Am faint y gallwn ni wneud cais?

Bydd swm y grant yn dibynnu ar amgylchiadau unigol ond y cyfanswm y gall unrhyw sefydliad wneud cais amdano yn yr un flwyddyn ariannol ar gyfer Gwella Darpariaeth a Hyfforddiant y Gweithlu fydd hyd at **£2000, na ddylai fod yn fwy na £1500 o ran cyfalaf**

Fel canllaw ar gyfer ymgeiswyr, rydym yn disgwyl y bydd nifer y **lleoedd a grëwyd/cadwyd** sy'n cael eu cynorthwyo gan yr arian yn adlewyrchu'r swm y gwneir cais amdano. Byddwn yn ariannu ar gyfradd o **£100** fesul lle gofal plant i Warchodwyr Plant a **£200** i Leoliadau Annomestig, hyd at uchafswm o **£1,000** ar gyfer Gwarchodwr Plant a **£2,000** fesul Lleoliad Annomestig.

Bydd Grant Cynaliadwyedd ar gael am hyd at uchafswm o £5000 fesul lleoliad.

Uchafswm yr arian o'r grantiau uchod y gall unrhyw leoliad wneud cais amdano mewn Blwyddyn Ariannol yw £5,000

Bydd yn rhaid gwario'r holl arian grant erbyn 31 Mawrth 2022.

Croesewir ceisiadau o 24 Mai 2021.

Bydd cyllid ymgeisio yn cael ei rannu'n ddwy ran, £40,000 o'r cychwyn i 31 Hydref 2021 a £40,000 o 1 Tachwedd 2021 i 31 Mawrth 2022

Sicrhewch fod eich cais yn gyflawn cyn ei gyflwyno oherwydd y gwrthodir ceisiadau anghyflawn.

Sut asesir y ceisiadau?

Caiff ceisiadau eu sgorio yn ôl meini prawf ar sail yr wybodaeth a thystiolaeth ategol a gyflwynir.

Rhoddir blaenoriaeth barhaus i gynorthwyo galluogi gweithredu'r mesurau sydd eu hangen i aros ar agor a'r rhai sy'n mynd i'r afael ag anghenion rhieni sy'n gweithio ac yn darparu lleoedd i blant sy'n agored i niwed neu sydd ag anghenion ychwanegol.

Sut caiff y grant ei fonitro?

Er mwyn sicrhau bod y grant wedi ei ddefnyddio at y dibenion a fwriedir ac er mwyn asesu ei effaith ar waith sefydliad, cynhelir proses fonitro ar ddiwedd y flwyddyn ariannol, neu ynghynt os yw'r arian wedi ei ddefnyddio'n llawn. Bydd monitro yn y cyfamser hefyd, yn dibynnu ar natur yr arian grant.

Gan amlaf, bydd Swyddog Cymorth Busnes Gofal Plant mewn cysylltiad rheolaidd â'r sefydliadau y maent yn eu hariannu, dros y ffôn, drwy e-bost neu mewn cyfarfodydd.

Gofynnir hefyd i ymgeiswyr llwyddiannus gwblhau ffurflen werthuso ar y broses ymgeisio am arian fel dull o roi'r gallu i ni sicrhau y darperir y gwasanaeth mor effeithlon â phosibl.

Pryd cawn wybod a fuom yn llwyddiannus?

Rhoddir gwybod i ymgeiswyr p'un a fuont yn llwyddiannus ai peidio o fewn mis wedi iddynt gyflwyno eu cais.

Os gwrthodir eich cais, mae modd ailgyflwyno cais wedi ei ddiwygio yn yr un flwyddyn ariannol. Fodd bynnag, byddai angen i chi ddangos pa newidiadau rydych wedi eu gwneud er mwyn atgyfnerthu eich cais am arian.

Dolenni ychwanegol:

[Dolen i fesurau Diogelu Llywodraeth Cymru mewn lleoliadau gofal plant: Cadw Gofal Plant yn Ddiogel](#)

[Dolen i ddatganiad Iechyd Cyhoeddus Cymru am achosion y Coronafeirws Newydd \(COVID-19\) wedi'i ddiweddarau bob dydd am 2pm](#)

[Safonau Gofynnol Cenedlaethol ar gyfer Gofal Plant Rheoleiddiedig](#)

[Dolen Asiantaeth Safonau Bwyd](#)

[Dolen Diweddariadau AGC](#)

“This form is available in English / Mae'r ffurflen hon ar gael yn Saesneg.”

Cwblhau'r Ffurflen Gais

Cwestiwn 1

Nodwch fanylion y Sefydliad gan ddefnyddio cyfeiriad y safle lle mae'r gofal plant yn gweithredu (os yw'n berthnasol) ac enw'r ward etholiadol lle darperir y gwasanaeth. Gall eich statws cyfreithiol fod yn unrhyw un o'r canlynol: Cwmni Cyfyngedig Drwy Warant (yn cynnwys Cwmnïau Elusennol), Cwmni Cyfyngedig Drwy Gyfrannau, Cwmni Er Budd Cymunedol, Sefydliad Elusennol Corfforedig, Partneriaeth, Unig Fasnachwr a.y.b.

Cwestiynau 2 a 3

Manylwch sut y mae'r gwasanaeth yn cydweithredu ag ysgolion lleol i gynnig gofal plant y Tu Allan i'r Ysgol.

Cwestiwn 4

Mae angen i chi esbonio'n glir pam rydych yn gwneud y cais am arian a dangos eich angen ariannol penodol amdano – **(Ffigurau/cofrestrau gwirioneddol i'w cyflwyno i gefnogi'r cais am gyllid grant)** h.y. dangos pam na allwch ariannu'r fenter eich hun.

Cwestiynau 5, 6 a 7

Rhowch fanylion am nifer y lleoedd gofal plant a fydd yn cael eu creu neu eu cynnal, ynghyd â rhestr o nifer y plant sy'n mynychu'r lleoliad ar hyn o bryd yn ôl ystod oedran a thaliadau fesul sesiwn.

Cwestiwn 8

Dylech nodi yma gyfanswm yr holl eitemau rydych yn gwneud cais amdanynt. Dylech restru pob eitem ar y Daflen Costau **Gofal Plant** atodol a'i chyflwyno gyda'ch cais.

Cwestiwn 9

Nodwch ble fyddwch yn mynd i gostau, gan nodi bod rhaid gwario'r swm llawn erbyn 31 Mawrth 2022.

Cwestiwn 10 ac 11

Rhowch fanylion sut y bydd y gwasanaeth a'r defnyddwyr gwasanaeth yn elwa o'r arian.

Cwestiwn 12

Eglurwch pa mor ddifrifol fyddai peidio â derbyn y grant.

Cwestiwn 13

Dangoswch pa gamau rydych yn eu cymryd i sicrhau y bydd y gwasanaeth yn hunan-ariannu yn y dyfodol heb angen am arian grant.

Cwestiwn 14

Sicrhewch mai'r sawl sy'n gwneud y cais sy'n cwblhau'r adran hon. Os oes gennych unrhyw gwestiynau ynghylch pa dystiolaeth y dylech ei chyflwyno, cysylltwch â Gwasanaeth Cymorth Busnes Gofal Plant am ragor o gymorth.

Os ydych yn dymuno diddymu eich cais ar unrhyw adeg, rhowch wybod i'r **Tîm Cymorth Busnes Gofal Plant** ar **029 20351714**.

